



**ВЛАДИМИР
ТИМИН**



ТҮЙЫН
ДА
ГОРТЫН



ВЛАДИМИР

ТИМИН

ТҮҮҮҮН

ТӨРТҮН

Кывбурьяс

КОМИ КНИЖНОЙ ИЗДАТЕЛЬСТВО

СЫКТЫВКАР 1971



Владимир Тимин—томоми поэт. Чужлис сійö 1937-öд воын Сыктыв юбокса Паджга сиктын. Шөр школа, речнöй техникум, Сöветскöй Армия, пединститут, журналистика — татшöмöсь ортсыса визьясыс В. Тимин биографиялön.

Гижны заводитіс Печораса речнöй техникумын велöдчигön на. Медводдза йöзöдöм гижöдъясаснин В. Тиминлön тыдовтчис олöм вылас стрöг видзöдласыс. Поэтыс радейтö олöмсö, йöзсö, ассьыс чужанінсö. И ми эскам сылы, кор сійö висьталö:

Кыдзи бать да мам оз бөрйыны,
Сідз — и чужан му.
Некор — öні либö бөрвылын —
Войвылысь ог мун.

«Туйын да гортын» — В. Тиминлön медводдза книга.

— Мамö, мамö, мамö да,
Доддявлы тэ доддявлы,
Доддявлы тэ, доддявлы да
Кык вөрөнöй вöвтö.

Коми йöзкостса сьыланкыв

Тыгырт

С(Коми)

Т41

7-4-3

37. 71 м.

◆ ◆ ◆

Сыктивкар — менам мича мойд.
Бара ывлаыс сэтшөм ясыд.
Тöрыт шуи ме тэд: «Бур вой».
Талун вашкöда тэд: «Бур асыв».

Кодыр шыясөн ловзяс лун,
Меным «аддзысьлытöдз» тэ шуан.
Тайö асылыс мед оз вун,
Сійöс туйö ме аскöд нуа.

Енэж ме весьтын — помтöм лöз,
Енэж шудаён сиö лоны.
Аттьö тiянлы, карса йöз,—
Меным тi вöсна карыс дона.

ТУЙО ПЕТИГӨН

Киын ки,
Но дрөгнитіс вагон,
И нывлөн чуньяс
Вильснитісны киысь.
Тыр йөзөн,
Бөрө исковтө перрон,
И нывлөн мыгөр
Колльөдысьяс пиын.

Оз вунөд, эска,
Менө сьөлөмшөр,
Өд сійө шуис
Медбур кывсө светас...
И кодыр чужан муө
Воа бөр,
Бур нюмөн тадз жө
Поезд дінө
Петас.

КРАСНОЙ ПЛОЩАДЬ ВЫЛЫН

Москва...

Туй помсö эз нин дыр коль виччысьны,
И, медым танклысь шойччöдны мотор,
Машина сувтіс. Гöгрöс люкысь мыччысис,
Бинокльö кутчысьöмön, вермахтса майор.

А водзын грымгис чорыд канонада.
Уралса сталькöд паныдасис Рур.
Эз тöд майор, мый райыс лоö адön,
И шуис: «Гут». Мый миян ногön: бур.

Люк пöдлассис, и вöрзис танкыс, медым
Сьöд лымті водзö мунны, но эз вай
Фашистскöй зверлы тайö туй победа —
Сук биön сійöс öлöдіс Москва.

Со Красной площадь. Кремль. Со Спасскöй башня.
Рубинöвöй звезда, кыз символ, гöрд.
Туристяс сулалöны коймöд час нин, гашкö,
Зэв ылö коли налön ФРГ.

Ныв-гид кыз колö висьталö и петкöдлö,
Öд гöстьяс, колö петкöдлыны, дерт.
А öти, сой пöла, пыр чöv олёмön ветлöдлö
И мövпалö.
Кöть сёрөнкодь, но мед.

МУЗЕЙЫН

Бытьё нэмьясөн вөзьян нөдкывьяс —
Ёсьтөм изьясыс,
Пемдөм льясыс.
Найөс аддзиг, ми ланьтам өтпырйө —
Кывны надейтчам
Сэкся шыяссө:

Ывла пемдігас шызьөм-повзьөмсө,
Йөзлысь жөдзөмсө
Изья чом дінын.
Войся пемыдын билөн ломзьөмыс
Налы кажитчө
Ичөт шондіөн.

Сэк, дерт, кодзувьяс тадз жө өзйисны,
Тадз жө видзөдіс төлысь
Вылісянь.
Сөмын енэжлань дзоргысь йөзыслы
Найө вөліны
Зэв на ылынось.

ПАНЫДАСЬЎМ

«Прива-ал!»

Колонна

Бокö муныштіс,

И расö вошины курсантьяс.

Друг

Асывылын бытьё гымыштіс:

Здук-мөд —

И тыдовтчисны танкьяс.

Полковник,

Тайөс водзвыв төдіг,

Эз сет тревога

И эз водтөд,

А сөмын шуис:

«Тайө өдас

Эм мичлун — вынным дінө

Содтөд».

«Пехота, чолөм!—

Танкьяс сүвтöны.

Люк вевтьяс

Восьтöны ён кияс.—

Ми йитчим öта-мөдкөд

Кувтөдзным,

Тi — папиросьясөн,
Ми — биён».

Мудз быри.
Серам. Кыпид шуткаяс.
Ме мыччи «Север» кодлысюрö
И акнитi:
Вевт сайысь петкöдчис
Иван Терентьев —
Щельяюрысь.

Землякыд, ёртыяс,—
Век земляк на.
Мый аслад абу —
Сылён вичмас.
«Ме, шуö,
Комитö эг ляк на.
Значоксö аддзан со,
Отличник.

А век жö гортысь
Быри гажöй,
Кöть эськö частöкодъ
Мем гижöны.
Öд сэнi
Виччысьö нин важжөн
Зэв мелi нывка
Лена,
Визинысь.

Ми төдмасьлім на Сыктивкарын:
Спартакиада ылө
Волімө.

Со фото:

«Аддзысьлытөдз арын».

А кыдзи тэнад, вокө,

Олөмыд!»

Тадз миян костын

Муніс сёрни.

И шуис зон:

«Мир оз кө дзугсьы,

То служба ылысь

Воа кор ме,

Бөр аслам трактор ылө пукся».

«Приваллы пом!»—

Команда юрөбтіс.

Ми сувтім.

Сёрни-серам кусі.

Стальной лавина

Водзлань журөбтіс

И регыд воши кыптысь бусын.

КЫК КЫДЗ

Кык еджыд кыдз,
А гөгөр,
Турунвиж рёма,
Зэв кыдзкө ас ног
Радлө акварель.
Картина улас
Посныыдика гижёма:
«Войнаса инвалидъяслөн артель».

Ме эска:
Муыс качліс небесаөдз,
Став вынсө зэвтліс
Менам чужанін,
Кор бёрыньтчыны ковмыліс
Москваөдз,
Мед нёль во мысти
Тыдовтчис Берлин.

Ми талун водзлань
Мунам зумыд воськолөн
И өтув уджён
Содтам мулысь мич.
«Но кывзёй!»—
Вашкөдöны,

Мыйкө зілиг висътавы,
Войнаён
Чеглём увъяса
Кык кыдз.

МАМӨЛЫ

Тэ коркө рөмпөштантор
Босьтлін киад
Да шога нюммуныштін:
«Воястө он вен».
Дзик нинөм сэки эг шу,
Тэнад пиыд,
Көть чукырьяссьыд
Мыжа тшөтш и ме.

АДДЗЫСЬЛЫТӨДЗ, КИЕВ!

Аддзысьлытөдз,
Варов, югыд Киев!
Сьөлөм шөрын
Тэнө нуа ме.
Өвтө вожнас тополь,
Быттьө киён,
Туй чөж
Мыйкө вашкөдө шоссе.

Янсөдчөмсө
Сьөкыд лоö венны —
Йиджис пыдө
Тэнад мелілун.
Дона Киев,
Сёрниногыд тэнад
Коми кыв моз
Олөм чөж оз вун.

◆ ◆ ◆
Код төдас, көні лоам аски,
Но талун служитам ми тан.
Син водзын — помтөм-дортөм Каспий,
А сэсся көнкө сэн — Иран.

И муртса петас асья кыа,
Трубалөн кылас лэчыл шы,
Салдатскöй сапöг улысь лыа
Зэв öдйö ньылыштас сьöд гы.

И со нин катер бöрся катер,
Збой төвру вöтлö коляс ун,
Но некыдз асья вöт оз вун:
Лöнь Эжва берег да мам-батьöй.

ЧУЖАН МУЛӨН СЫЛАНКЫВЪЯС

Көть ылын горт
И старшина көть стрөг,
Палатка весьтын көть и
Зэрö бара,
Салдатыд, эскöй, жугыльлун оз тöд,
Кор кийсь киö
Ветлөдлө гитара.

Со юрнас збоя пыркнитіс
Том зон,
Тадз быттьö сывны
Ёртяссö тшөтш корö.
И юргö гөлөс,
Лөсьыд зэв и ён,
Кыз нывъяс лэччалісны
Эжва дорö.

Сэн, сылан шыас,
Мамлөн мелі кыв.
Сэн мөвпъяс —
Наысь көдзыд дырйи шоныд.
Сэн батьлөн му,
Сэн шөвк юрсиа ныв,
А тайö ставыс
Быдөнлы зэв дона.

Латыш, бурят,
Казах и одессит..
И мый нө,
Төдтөмөсь кө налы коми кивьяс:
Оз сьөлөмнымөс
Сідзи некод йит,
Кызд чужан муысь вайөм
Сыланкывйыс.

ПЛЕЩЕЕВО ТЫ

Помтӱг ызгӱны пемыд гыяс,
Каля мурталӱ тылысь от.
Бытьӱ потанын, тайӱ тыас
Быдмис сӱмын на чужӱм флот.

Еджыд парусьяс, лыйлӱм, горзӱм,—
Кусны гажыслы Пётр оз сет.
Царь пӱ верстьӱ, а век на ворсӱ,—
Ас ног мӱвпыштӱс наян швед.

Сӱдзкӱ, кокниа шедас слава,
Роч му-ва вылын вичмас шуд...
Сӱмын ойкӱдӱс шведӱс Полтава,
Вӱйтӱс наянлунсӱ Гангут...

Менам сьӱлӱмӱй бара радлӱ.
Вой шӱр. Кодзулыс гашкӱ сюрс.
Севастопольсянь миян эскадра
Талун лунвылӱ босьтӱ курс.

ЭДВАРД ГРИГ

Кор кывзі медводдзаысь Григӧс,
Друг шензьӧм шымыртіс и полӧм:
Ме быттьӧ восьті тӧдтӧм книга,
А нимыс книгаыслӧн — олӧм.

Сэн шог и радлун, нюм и синва,
Сэн кӧдзыд толаяс и вежӧд.
Выль мича мирлань восьтіс синьяс
Мем ыджыд сьӧлӧма норвежец.

Сы мында чувство тыртіс морӧсӧс,
Мый весиг тӧдтӧм вӧлі мукӧд..
И уна боксянь ассьыд оласног
Доньялан выль пӧв татшӧм здукас.

◆ ◆ ◆
Ичӧт дырйи ме радейтлі ёна,
Бабӧ мойдлывліс кор сылігтыр,
Кыдзи пармаын чуксасьӧ Ёма,
Корсьӧ кывзысьтӧм челядьӧс пыр.

Тӧлыс гыӧра ӧшиньӧ швачкӧ.
Тӧв-ӧ! Гашкӧ нин, Ёмаыс сэн!
Баблӧн мыш сайын буса пӧсь паччӧр
Ичӧт крепостьӧн кажитчӧ мен.

...Вояс мунісны. Бара ме сиктын.
Важ моз эрдьясӧд шутлялӧ тӧв.
Челядь дыр мекӧд прӧститчис дзикӧдз.
Ёма воши жӧ, быттьӧ эз вӧв.

Сӧмын сэтшӧм жӧ съӧд, пемыд войын,
Бабӧс казътыліг, кажитчӧ мен:
Ёма мудерджык воясӧн лои —
И ог мың сыысь, кытчӧдз ог вен.

ВОЙНА КАДСЯ НЯНЬ

Өчередыд кузь, но абу помтөм,
Вески дорөдз воин — сувт да ланьт.
Гираясөн кылан тэрыб ковгөм,
Аддзан тэныд торйөдыштөм нянь.

Нянь...

Кор петан йөз костыс ортсө,
Кокни сумка
Оз пык мунан өд,
Торпыригсө
Бырөдан на гортөдз,
Эм кө нөшта —
Бырас на и мөд.

Газетьяс ми, зонпосни,
Эг лыддьөй,
Но өд ставсө төдім —
Война кад!
Классөн тэчлім
Сыланкывъяс пыдди:
«Ми-ян де-лө пра-вөй,
Гит-лер — гад».

Нывбабаяс эскөдлісны мудзтөг,
Ордысьөмөн өктивлім кор шеп:

Врагӱс вӱтлам,
И не сӱмын рудзӱг,—
Шобдӱ кӱлач сӱйны кутам сӱк.

Война кад!—
Руд енӱж,
Кӱдзыд школа,
Нянь карточка шымыртӱма ки...
Ас костаным шог юким да олӱм
Нывбабаяс, пӱрысьяс
Да ми.

ЧУЖАН КЫВ

Зарни бордьяса,
Медся мыла,
Чужан кыв — менам олём да вёт!
Пдзьё сёрнитны
Любёй кылён,
Сёмын өтдортны ассыым
Ог мөд.

Войвыв эрдьяслөн
Повтём лэбач,—
Сетіс вын сылы
Коми му,
Но, а сöstөмлун сетіс,
Дерт жö,
Сылы матушка Эжва ю.

Сійö тіянлөн,
Пöльяс, пöчьяс,
Сійö тіянлөн,
Ныв да зон.
Мөвпид ас кывйөн
Кык пөв стöчмө,
Мортыд ас кывйөн —
Кык пөв ён.



Лымъя саридз,
Еджыд саридз,
Помтём, көдзыд зэв да скөр.
Лымъя саридз,
Кор нө бара
Эжва бокö воа бөр!

Сэні сыланкывъяс кузьёсь,
Парма мойдкывъясөн тыр,
Енэж шöрын тöлысь узьö,
Кымөр сайöд кывтігтыр.

Ичöt керка югзьö рама,
Төвсьыс дзебсьыны оз куж...
Отнас думыштчöма мамö,
Пöрысь кинас корсьö удж.

◆ ◆ ◆


Машина мыськӧ Сыктив ваӧн уличьяс,
Быд паныдасьысь мортлы ме зэв рад.
Ті аддзад, кыдзи осьлалӧ да куритчӧ
И гӧгӧр дзоргӧ нюмъялысь салдат.

Сё ӧшиньясӧн видзӧдӧны керкаяс,
Мем долыд сьӧлӧм вылын, мед кӧть ар.
А тӧдтӧм нывка гусьӧн перйис зеркалӧ,
И нюммуніс тшӧтш сьӧд менам кар.

◆ ◇ „Корсям сыланкыв ас шӧрысь,
Ас му-ва вылысь, ас вӧрысь...”

И. А. Куратов. „Вылъ сыланкыл”

◆ ◇ **ГОРЬБЫН** ◇



ВОДЗКЫВ ПЫДДИ

Менсьым кывбурёс кө лыддыны
Тэныд сюрё кад,
Тёд, мый тэнё пункта пыдди ме,
Тёдмасьны век рад.

Чужан муын йитё миянёс
Уна өткодьтор.
Ылі туйын тэ кө, сиа ме,
Матысмас мед горт.

Мамным потан дорын байёдліс:
«Ло жё ён да суюсь,
Став шог-печальыс мед саялас,
Дона сөкөл, узь».

Муртса сувтім ми ас кок вылө —
Кыскис ывла выв.
Мамö сёйны вөлі горзывлө,
Бытьё он и кыв.

Сэсся кынтыліс и пёсьёдліс
Война кадся удж,
Кыдзи вокьяс моз ми лёсявлім,
Висьтавны он куж.

Тані эзысь рѡма тулысѡ
Тѡдмалім любов,
Тані ёртяскѡд, кыз шуласны,
Сѡйим кык пуд сов.

Кызди батъ да мам оз бѡрйыны,
Сідз — и чужан му.
Некор — ѡні либѡ бѡрвылын —
Войвылысь ог мун.

Рытъя карын

Ывла вылыс пемдӓ нин,

И «Волгаяскӓд» вензьӓ чизыр тӓв.

Ме водзын кодкӓ индӓ,

Ёна шензьӓмӓн,

Кызд улич кузя ньӓжйӓ мунӓ вӓв.

И тырмӓ эськӓ уличыслӓн пасьтаыс,

Но сйӓ, пӓрысь,

Жмитчис боклань пыр,

Кызд быттьӓ яндысис...

А меным вӓлыс казътыліс,

Мый сы мыш вылын коли

Челядь дыр.

ПАРМАЫН

Тэнö, парма, чолöмавны рад ме —
Гажтöмчöмöс некыдзи ог вен.
Асывводзын либö рытья кадын
Рöдня ордö вола бытьö ме.

Меліа тэ шувган: «Босьт, мый колö,
Тан öд тэнад дедьясыдлөн горт».
Атьö тэд, мый сетін ассьыд олас.
Ылыстча кöть öні, тэ он ёр.

Восьлала дзор пуяс кості чöла,
Бытьö корся сюрс во сайся тшын.
Мунан туйöс югдöдыштö тöлысь,
Сöстöм сынöd содтö менсьым вын.

БАТЬЎЛЫ

Тэ пёрысьмин,
Тэ ёнакодъ нин пёрысьмин,
И чужо́мыд со чу́кырьясон тыр.
Кор чужан сикто́ вола
Ылі карысь ме,
Тэ
Керка дорсянь
Локтан воча пыр.

А сэсся пуксям
Ыджыд пызан сайо́ ми,
Код го́гөр корко́
Пукавлім чой-вок...
А мамо́,
Мамо́ нюмъялігтыр вайо́ нин
Медчо́скыд сёян:
Яя шыд да рок.

Ми сёям-юам,
Кольо́м кадсо́ казътывлам.
Тадз — кытчо́дз вой
Оз топо́д ассыыс сыв...
А сиктысь мунан луно́
Бара казяла,
Мый шуто́г коли
Сымда мелі кыв.



Югыз коръяса ичөт кызды ылы,
Кодос некод на
Пыдди эз пуктыв,
То ли шойчыны,
То ли прөстө сидз,
Сырчик первойысь —
Шпорк —
И пуксис.

Кызды пу дронитис ставнас
Радысла,
Кызды пу веськодис
Юрсө ассыс...
Совмиг-быдмигад
Көсийо быдон дзик,
Медым бур синмон
Кодко аддис.

◆ ◆ ◆
Оз пö радейтны комияс
Дзоридз...

Налөн сад йöрыс —
Став Эжва дорыс,
Небыд шöвкаöсь
Кытöнi видзьяс,
Õтар-мöдарас көн
Эзысь кыдзьяс.

Оз пö радейтны комияс
Сывны,
Оз пö нимавны ёна,
Оз кывны...

А тi кывзöй,
Кыдз сывлöны танi,
Весиг тöв сывлö со
«Шондiбанöй».

Оз пö донъявны комияс
Мичлун...

Найöс нэмьяс чöж
Олöмыс личкис.

Õнi —

Шудаöсь, кыпыдöсь найö.
Медся мичаыс му вылас —
Тайö.

◆ ◆ ◆

Тэ корсян радлун олёмсьыс да шуд,
Тэ көсьян босьтны ассьыд олан визь,
Но шудсё олём некодлы оз видз,
Он тышкасьны кө сы вёсна тэ кут.

Оз видз, он дорйы правдасё кө тэ,
Оз видз, он паныд лёкыслы кө сувт,
И чужан мутё, мыйыс мед эз су,
Дась дорйыны кыдз асьтё вёлін мед.

А ылыстчас кө полысь, вынтё зэвт
Да орччён аскөд татшөмсё эн кут.
Быд мортлы вичмё öти ыджыд шуд,
Но мортён лоны
Кыв кутана зэв.

◆ ◆ ◆ ◆ ◆
Видз вылын
Лысьтö мөсьясөс
Лөсьыдик еджыд ань,
И сэтшөм нин сійö
Мичаник,
И сэтшөм нин сійö
Шань.

Асья кыа кодь чужöмыс.
Вом дорьяс...
Ог нин шу.
Мойдын моз
Бытьö чужöма
Кодлыкö сетны шуд.

Сöмын мем сёр нин
Төдмасьны,
Сьөлөм көть
Инас оз төр —
Кытчөкө пыр ме
Тэрмаси
И эг вевьяв
Локны бөр.

◆ ◆ ◆

Ак, кутшөм асья вöрын
Чöскыд сынöдыс!
Тан аддзан бурджыка,
Кыдз садьмö
Чужан му,
Кыдз төвру
Пуяс кокньыдика сыналö,
И, бытьö шебрас,
Кывтö бокö ру.

Пув вотысьöс ме чолöмала
Радпырысь,
Мед чöсмасьыштас гортас
Сылөн пи.
И вотöны тан йöзыс
Гöна ягсерьяс,
И дона гоблань
Нюжödчö со ки.

А водзын чера войтыр
Со нин мыччысьöны.
Оз, татшöм вöрыд
Быдлаысь оз сюр!
Но вöдитчöй жö пила-чернад

Виччысьмён,
Мед парма
Нэмыс
Вермис сетны бур.

◆ ◆ ◆
Бур зэв, эм кө мывкыд друг,
Кодкөд өти могөн олан,
Өта-мөдлы кодыр колан,
Но и ышнясьны он кут.

Бур зэв, эм кө мывкыд друг,
Шог и гажсө дась код юкны,
Коді бытьё тэнад юкөн.
Дружба ськөд нем оз дзуг.

Бур зэв, эм кө мывкыд друг.

ЧЕЛЯДЬДЫРСЯ

Коть тайӧс некодлы ог висьтав,
А ме ас думӧн туйын бара,
Эм весиг пасйӧд тетрадь листын,
Мый колӧ ньӧбны меным карысь.

Выль каллян — пӧрысь Прокӧ дедлы,
Бур дадь мем вӧчліс колян тӧлын.
Чай дінас кӧлач На́ста тьӧтлы,
Код тӧдӧ мойдкыв уна пӧлӧс.

Гриш Васьлы книга ваяс радлун.
Коть мортыс нэмсӧ олӧ ӧтнас,
Но аслас ыджыд льӧм пу садйысь
Оз некор ми коддьӧмсӧ вӧтлы.

Ме думысь, сьӧла чипсан лоӧ
Бур козин вӧралысь Микитлы.
Кор висьлі, кӧч пи вайліс... Со ӧд
Бур йӧзыс мыйта мян сиктын.

◆ ◆ ◆
Коді ошкё, коді кулитё:
Он куж шуны сылы кыв.
Мунё, мунё сиктса уличёд
Кизя сапожкия ныв.

Векныд борйёд быттьё восьлалё.
Абу ичёт, абу кузь.
Быдён ёшиньсё сэк восьталё:
Унмыс локтё коть, оз узь.

Ёмидз рёма нывлён вом дорыс,
Юрси — тэрыб тувсов ёль.
Мунас матіник коть код дорёд,
Некод веськодьён оз коль.

Сиктын коньөр зоньяс косьмёны,
Весиг дедсё кутё баб.
Том йёз съёлёмнысё восьтёны,
Сёмын весьшөрё тай — тшап.

Мича нылёй, кён тэ чужёмыд!
Висьтав мем, а то ог мун.
Ас ног вочавидзны кужас и:
Чужаніной — Коми му.

Коть мед кутшом паськом пасьталас,
Коть мед кутшом аснас бур,
Ноко, зоньяс, Коми пасьтала
Сылы пара оз мой сюр?

МЕДВОДДЗА ЫТШКӨМ

Кор збоя босьті киө коса
И эг лысьт шуны, мый ог куж,
Кызд мукөд, видлі чуньон: ёсь-ө
И... нывъяс петкөдлісны пуж.

Мый лои сэк, ог вунөд кувтөдз,
И оз жө ло мед сэсся нэм,
Но сэк жө орччөн нывка сүвтис
Да муртса нюммуныштис мем.

— Эн шогсьы,— шуис,— колө тадзи.
Час-мөд — и суам йөзсө ми...
Кызд колө ытшкыны, ме аддзи,
А регыд кужны кутис ки.

И сэтшөм нимкодь лои меным,
Мый тан ме абу лишнөй морт,
Мый ассьым кужтөмлунөс вені,
Мый мекөд орччөн татшөм ёрт.

Жар шонді улын лунтыр ытшким,
Вын оз ков корсьны, морт кө том.
Ныв сетіс чышьян: «Пөсьтө чышкы,
Со шонді пуксьө. Уджлы пом».

Ме рытлы рад, и свежой йовлы,
И кыпид гажлы, кор нин пот.
Код тані ньотчыдысь эз вовлы,
Коть мый, а унатор оз тод.

Кор бипур гогор лои пемид,
Кор унмовсисны мудзом йоз,
Лоз синьяс казътивсисны меным
Да енэж, синьяс кодъ жö, лоз.

◆ ◆ ◆
Ас сиктын быттьö югдö нимöй,
И сылөн кусöмысь ме пола;
Õд карын шуöны кö Тимин,
То сиктын — Игö Васьö Володь.

Тан пыдди пуктанаыс — рöдöй,
Сы бöрын казьтылöны батьöс,
На серти быдөн менö тöдö —
И таысь рöдвужöйлы аттьö.

Зэв ыджыд аттьö, мый ме ола,
Мый рöдөн ошйысьны на позьö,
Но частö дум вылö мем волö,
Мый нимнам уджйöза на водзын.

ДОМНА

Енэж лөзалө,
Чуксалө овны.
Тулыс виччысиг
Вугралө ю...
Враглөн штык водзын
Восьлалө Домна,
Тэнö радейтысь ныв,
Коми му.

Паськыд енэж,
Он аддзы мөй, коді
Тэлань бөрьяысь
Лэптöма юр!
Мыйла,
Мыйла он сет сылы бордьяс,
Медым враг киö
Нылыд эз сюр!

Эжва, садьмы,
Веж гыяснад сайöд —
Сылы восьлавны
Эз нин коль дыр.
Он кө,—
Варччывны сöдз югыз ваад
Сэсса некор нин сійö оз пыр.

Коми му,
Оз ло дивö тэд кывны
Мирнöй лунъясö ыдждöдлан гор.
Врагъяс син водзын
Кыв шутöг кувны
Тэ вöсна —
Ёна сьöкыдджыктор.

Огö вунöдöй
Домналысь подвиг —
Миян сьöлöмын кузь сылön нэм.
Сыысь шуда,
Мый пи ме народлön,
Татшöм ныв кодлön вöлі да эм.

◆ ◆ ◆

Ньӧжйӧ восьлалӧ рыт.
Паркын тӧврукӧд
Вашкӧдчӧ тополь.
Коді висьталас: кыт
Метӧг ветлӧдлӧ
Менам судьба!
Лэбӧ сыланкыв збой,
Тайӧ шуд меным шуӧ:
Ме со пӧ;
И любов, сылӧн чой,
Корӧ: лок —
Ме пӧ тан.

Ньӧжйӧ восьлалӧ рыт.
Тӧнӧ аддза ме
Талун ли аски.
Тэысь кындзи сэк некод,
Дзик некод оз ков.
Миян туйвежным матысмӧ,
Эска, быд часӧн,
Эска, матысмӧ
Ыджыд любов.

◆ ◆ ◆
Кымөр сайёд
Тёлысь кывтё,
Шоча мыччысьлө.
Эн дзеб, шань ныв,
Ласков кывтё —
Важён виччыся.

Кокни нюма,
Югид вира,
Мича лысера,
Восьса ки вылад
Лым чирьяс
Ньöжйö усьöны.

Гөгөр,
Кытчö кöть ог кежöй,
Лымйыс югьялö.
Водзын Эжва юным
Эшкын улын
Вугралö.

Тёлысь кывтё,
Видзö рытсö
Ковтöм шыясысь.

Татшөм рытö,
Гашкö, оз и ковны
Кывъясыд!

Тöдам:
Тэа-меа костын
Ставыс водзланьын.
Кокни лоö тэкöд
Олан туйöд
Восьлавны.

◆ ◆ ◆
Тані чөв,
А өшинь сайын бушков,
А өшинь сайын
Увгө-пессьö бушков
И кыкнаннымлысь
Гуся туйяс вуштö,
Зэв скöрысь тыртö лымйөн
Чизыр төв.

Кад вöлі сёр,
Кор керкаысь ме петі,
Дыр видзöді,
Кыз төлыс лымсö летö.
Ми гөгөрвоим тэкöд,
Гашкö, сэки,
Мый радейтчöмтö бушколыд
Оз торк.

Ичөт станция —
Өти улича.
Тані, шуоны, мулөн пом.
Ичөт станция —
Нимтөм улича,
Сійө ме дорысь
Дас пөв том.

Ыджыд сапөгъяс,
Еджыд бантикъяс,
Енэж ме весьтын —
Пом ни дор.
Лоис комиён
Кыв романтика,
Ми пыр прөйдитіс
Сійө кор.

Ломзьöй му весьтын,
Сварка югөръяс.
Юргы, сыланкыв,—
Сэтшөм кад.
Аски кывзöй ті
Бөръя юөръяс:
Казьтас миянөс
Сыктывкар.

◆ ◆ ◆
Мыйта вермёны
Шудсё сетны
Тэнад матыслун,
Тэнад синьяс!
Керка пышкысь кө
Өні петны,
Пыр жё олёмысь
Мыйкё чинас...

Виж рюкзак.
Сэні шоныд дөрём.
Компас —
Тэд моз жё сылы эска.
Кыкөн
Ас позйё бура төрам,
Көть и ывлаын дорысь
Дзескыд.

Ньөжйё курткаысь
Видлін кизьяс...
Бур кыв шуны мед,
Мөвпьяс гартлан.
Шкапын, книгаяс сайын,
Изьяс.

Ачылд төдан тэ:
Сэн жө-й карта...

Бара письмояс,
Мелі кывъяс.
Гашкө, сійөн тэ
Сэтшөм муса,
Мый тэ медбура
Менө төдан,
Төдан:
Радейта войвыв мусö.

ВОИС РЫТ...

Воис рыт,
И öзйисны бияс.
Вөтлө пемыдсö томмөм сикт.
Бара öтлаын миян кияс,
Көть и тыдалö ставыс дзик.

Войбыд шудөс дась
Киын кутны.
Мелі видзөдлас
Нэм оз вун.
Аддзан:
Енэжті кывтысь спутник
Бокö му дорысь оз жö мун.



Мыйла муса мем Коми муыс —
Джуджыд пармаыс, Эжва юыс!..
Гашкө, сы вöсна, мый тан чужи,
Муöс ыдждöдла, кыдзи кужа.
Кöмтöг котравлі зарни вöрöд.
Тöдi, ёма кө эм, оз вöрöд.
Вöвлi батъ-мамлы муса пиөн..
Гашкө, муыс мем дона сiйөн?
Юрси — тыöдтöм шабдi кудель,
Бабö серавліс — абу мудер.
Лун-лун вöвъяс гөгөр пыр гартчи,
Юсö спор вылö вöлі варчча.
Коркө рытгорув петлі чöла —
Некод войпукъясысь эз öлöд.
Сöмын чуймывлi йöла шыысь..
Гашкө, муыс мем дона сыысь?
Воис война кад ыджыд грöзөн.
Сиктысь мунісны медбур йöзыс.
Аньяс вашкөдчывлісны гусьөн,
Талун бара пö öти уси.
Яснöй сөкөльяс, узяд көнöсь?
Коньөр дöваяс... Кымынөнöсь!!

Шогыс, тшыглуныс — ставыс сюрліс.
Гашкө, та вöсна дона муыс?
Сэсса югыд кад кисö мыччис,
Быдмим-разалім, коді кытчö.
Асьным петім көть төдтөм шөрö,
Оз вун сикт сайса гажа нöрыс.
Гортса пывсянысь чугун горйыс,
Чöскыд туруна векни борйыс.
Куття войясыс, Эжва юыс,
Небыд сьölöма Коми муыс.

◆ ◆ ◆

Шуны сідзи, кыдз мөвпала..
Кужа-ө?
Ог-ө кывъяснам
Ставсө дзуг?
Мунан орччөн тэ —
Буретш тушаа,
Буретш оласа,
Буретш друг.

Еджыд кыдзьяскөд
Войтөв ышмөма.
Петіс медводдза кодзув,
Жеб.
Шевкнит кыдзи көть
Карса чышьянтө,
Лөсьыд көсатө
Оз тай дзеб.

◆ ◆ ◆

Лым чир,
Ва войт,
Быд ки пыдӱс тыр му
Мем пыдди пуктана,
Зэв матысса
И дона.
Ме пытшкын сэтчӱдз лоас
Олан шоныд,
Оз кытчӱдз
Чужан муӱй менам вун.

Быд кызкӱд рӱдняся,
Турун чиркӱд, шоркӱд...
Но сыкӱд вашкӱдӱ:
Тэ уна на он тӱд.
Эз прӱстӱ сӱдзи
Подӱн ӱтчӱд мӱд
Россияпытшса туйяс кузьта
Горький.

◆ ◆ ◆
Эзысь кодзுவъяс енэж шöрын
Со нин мыччысьöны,
Джуджыд чом сайын тэрыб көръяс
Чöла виччысьöны,

Шоныд маличаö, паськыд маличаö
Регыд сунам,
Сöмын чашка-мöд крепыд чайтöгыд
Кутшöм мунöм!!

Сёй көть асылöдз, чай кө он видлы,
Он и пöтлы.
Сэсса куритчан вöзъям шмонитіг
Öта-мöдлы.

— Помöдз сёрнитам,— кодкö шуö нин,—
Локтöм бöрын...
Мада көръясöй, ноко войöдöй
Тундра шөрöдз!

Со и туйынöсь. Тöлыс чуймöдö:
Ворсö, сьылö.
Тэ кө чом пыткас, некор туй вылысь
Ог ме ылав.

Туйын

«Сыктивкар — менам мича мойд»	5
Туйо петігөн	6
Краснõй площадь вылын	7
Музейын	8
Паныдасьом	9
Кык кыз	12
Мамõлы	14
Аддзысылтõдз, Киев!	15
«Қод тõдас, кõнi лоам аски»	16
Чужан мулõн сыланкывъяс	17
Плещеево ты	19
Эдварг Григ	20
«Ичõт дырйи ме радейтлi ёна»	21
Война кадся нянь	22
Чужан кыв	24
«Лымъя саридз»	25
«Машина мыськõ»	26

Гортын

Водзкыв пыдди	29
Пõрысь вõв	31
Пармаын	32

Батьёлы	33
«Югид коръяса ичот кызды выль»	34
«Оз по радейтны комияс дзоридз»	35
«Тэ корсян радлун»	36
«Видз вылын»	37
«Ак, кутшом асья ворын»	38
«Бур зэв, эм ко мывкыд друг»	40
Челядьдырся	41
«Коді ошкё, коді кулитё»	42
Медводдза ытшкём	44
«Ас сиктын быттё югдё нимой»	46
Домна	47
«Ньожйё восьлалё рыт»	49
«Кымор сайёд»	50
«Тані чёв»	52
Ичот станция	53
«Мыйта вермёны»	54
Воис рыт	56
«Мыйла муса мем Коми муыс»	57
«Шуны сидзи, кызди мовпала»	59
«Лым чир»	60
«Эзысь кодзувъяс энэж шорын»	61

Владимир Васильевич Тимин
В ДОРОГЕ И ДОМА

Стихотворения

На коми языке



Редактор В. А. Попов
Художник С. А. Добряков
Худож. редактор М. П. Безносков
Техн. редактор А. Н. Вишнева
Корректор Э. С. Греггер

Сдано в набор 15/XII-1970 г. Подписано
к печати 11/II-1971 г. Формат 60×84¹/₃₂.
Печ. л. 2,0; бум. л. 1,0. (Уч.-изд. л. 1,4).
Заказ № 7041. Ц01227. Тираж 1000.
Цена 14 коп. Бумага № 1.
Коми книжное издательство. Сыктывкар.
Дом печати.



г. Сыктывкар, Республиканская
типография Управления по печати
при Совете Министров Коми АССР.

14 коп.

КОМИ КНИЖНОЙ ИЗДАТЕЛЬСТВО
1971